

ACORDO DE COLABORACIÓN ENTRE O SERVIZO GALEGO DE SAÚDE E A ASOCIACIÓN ESPAÑOLA CONTRA EL CÁNCER PARA O DESENVOLVEMENTO DUN MODELO DE ATENCIÓN PSICOSOCIAL NAS UNIDADES DE HADO-PAL DA XESTIÓN INTEGRADA DE PONTEVEDRA E O SALNES

En Pontevedra, a 19 de marzo de 2018

REUNIDOS

Dunha parte, D. JESÚS VÁZQUEZ ALMUÍÑA, Conselleiro de Sanidade e Presidente do Servizo Galego de Saúde, actuando no nome e representación deste, de acordo co establecido no artigo 34 da Lei 1/1983, do 22 de febreiro, de normas reguladoras da Xunta e do seu Presidente e de conformidade co Decreto 43/2013, do 21 de febreiro, polo que se establece a estrutura orgánica do Servizo Galego de Saúde, así como co establecido na Lei 1/2016, do 18 de xaneiro, de transparencia e bo goberno e a Lei 40/2015, do 1 de outubro, do Réxime Xurídico do Sector Público.

Doutra parte, D. M^a JOSEFA CRESPO AMIGO, maior de idade, con documento nacional de identidade 11.691.463 B, actuando en nome e representación da XUNTA PROVINCIAL DE PONTEVEDRA da ASOCIACIÓN ESPAÑOLA CONTRA O CANCRO (en diante AECC), xxxxxxxxxx CIF G-28/197564; actúa en calidade de Presidenta, foi nomeada para o referido cargo en virtude de acordo adoptado polo Consello Executivo da AECC en sesión celebrada o día 21 de xuño de 2002 e actúa polas facultades que lle son conferidas nos Estatutos que regulan a organización e funcionamento da AECC, e que foron aprobados por acordo da Asemblea Xeral celebrada o 23 de xaneiro de 2018.

Ambas as dúas partes, actuando coa representación que legal e regulamentariamente teñen conferida, no exercicio das funcións que teñen legalmente atribuídas, recoñécense reciprocamente a capacidade legal suficiente para obrigarse e formalizar o presente convenio de colaboración e

MANIFESTAN

I.- Que a Xestión Integrada de Pontevedra e O Salnés (en diante EOXI) pertence á rede pública do Servizo Galego de Saúde e ten entre os seus fins contribuír a mellorar o estado de saúde da poboación cos máximos niveis de calidade, utilizando fórmulas de xestión enfocadas á eficiencia e prestixiando con todo iso ao sector público ao que pertence.

II.- Que a EOXI de Pontevedra e O Salnés conta con servizos e/ou dispositivos dirixidos a prestar servizos a pacientes con enfermidade avanzada, susceptibles de recibir atención psicosocial.

III.- Que a AECC ten entre os seus fins e obxectivos:

- A loita contra o cancro en todas as súas modalidades coñecidas ou que nun futuro se coñezan, mediante o desenvolvemento de funcións e actividades de divulgación, de prevención, de investigación, de formación e de carácter sanitario e asistencial, poñendo para iso cantas medidas considere adecuadas.
- A atención integral a pacientes con cancro, para o que conta cun equipo de atención psicosocial (EAPS) que desenvolve un programa que presenta as seguintes características:
 - a) O seu alcance son as persoas diagnosticadas de cancro, especialmente aquelas que están en situación avanzada e teñen unha maior necesidade de atención psicosocial.
 - b) A súa finalidade é contribuír na mellora da calidade de vida das persoas con enfermidade oncolóxica, complementando a atención sanitaria que actualmente reciben dos profesionais das unidades de Hospitalización a Domicilio e Paliativos (HADO-PAL) do Complexo Hospitalario Universitario de Pontevedra e do Hospital do Salnés.
 - c) O obxectivo principal é proporcionar ao paciente apoio social, espiritual e emocional, así como apoiar ás familias e aos profesionais sanitarios.
 - d) Ademais, mediante accións de divulgación colabora na sensibilización da sociedade sobre o final da vida e os Coidados Paliativos nos pacientes con enfermidade avanzada.

IV.- Que ambas as dúas institucións teñen o firme propósito de dar unha resposta integral á crecente necesidade respecto da atención dos enfermos con cancro, tendo en conta todos os aspectos físicos, emocionais, sociais e espirituais, mediante unha actuación directa das persoas, sobre todo en situación de enfermidade avanzada, no propio centro sanitario e conxuntamente cos equipos domiciliarios.

De conformidade co anteriormente exposto, as partes asinantes formalizan este acordo de colaboración con base nas seguintes

CLAÚSULAS

PRIMEIRA.- OBXECTO

O obxecto do presente convenio é establecer as bases da colaboración entre o Servizo Galego de Saúde (EOXI de Pontevedra e O Salnés) e a AECC coa finalidade de desenvolver un modelo de atención psicosocial, que ofrezca aos integrantes das unidades de HADO-PAL da EOXI un conxunto de recursos e instrumentos que faciliten o seu labor diario no campo da atención ao enfermo e á súa familia.

SEGUNDA.- COMPROMISOS DO SERVIZO GALEGO DE SAÚDE

O Servizo Galego de Saúde, a través da EOXI de Pontevedra e O Salnés, comprométese, dentro das súas posibilidades actuais, a:

- Ter coñecemento explícito dos principios e valores da AECC.
- Velar activamente pola cooperación entre o EAPS e as unidades HADO-PAL para lograr a mellor atención dos pacientes diagnosticados de cancro e sobre todo aqueles en situación de enfermidade avanzada, facilitando a accesibilidade e promovendo a integración.
- Designar un/unha coordinador/a por centro sanitario coa capacidade e competencia necesaria para coordinar e dar soporte nas actividades que se leven a cabo no marco do proxecto de colaboración.
- Dar a coñecer aos profesionais e pacientes o ámbito da atención psicosocial acordada e visualizar á AECC

TERCEIRA.- COMPROMISOS DA AECC

A AECC comprométese a:

- Actuar como apoio do equipo de profesionais das unidades de HADO-PAL para a atención de pacientes diagnosticados de cancro.
- Velar activamente pola cooperación entre o EAPS e as unidades HADO-PAL para lograr a mellor atención dos pacientes diagnosticados de cancro e, sobre todo, aqueles en situación de enfermidade avanzada, facilitando a accesibilidade e promovendo a integración.
- Designar un/unha coordinador/a coa capacidade e competencia necesaria para coordinar e dar soporte nas actividades que leven a cabo.
- Atender as demandas das unidades HADO-PAL na que se haxan pacientes con cancro e garantir o traballo do equipo psicosocial, velando pola calidade asistencial.
- Realizar o seguimento e a avaliación continua do proxecto de colaboración e comunicar ao/á coordinador/a designado/a pola EOXI de Pontevedra e O Salnés calquera incidencia grave relacionada coa atención do servizo.
- Respetar as normas de funcionamento interno da EOXI de Pontevedra e O Salnés, relevantes para o desenvolvemento do seu labor asistencial.

CUARTA.- INEXISTENCIA DE RELACIÓN LABORAL

As obrigas sociais e laborais respecto do persoal que aporte a AECC corresponderán única e exclusivamente a esta, sendo tanto o Servizo Galego de Saúde como a EOXI de Pontevedra e O Salnés totalmente alleos ás devanditas relacións laborais

A subscrición do presente convenio non comporta relación laboral ou de calquera outro tipo entre o persoal e voluntarios da AECC e o Servizo Galego de Saúde.

A AECC garantirá que as persoas que integren o equipo de traballo teñan a formación, cualificación e dimensións adecuadas para a realización dos traballos convidados e non poderán desenvolver en ningún caso actividades que sexan propias do persoal pertencente ao Servizo Galego de Saúde.

QUINTA.- PREVENCIÓN DE RISCOS LABORAIS

En cumprimento do disposto no artigo 24 da Lei 31/95, de 8 de novembro, de Prevención de Riscos Laborais (LPRL) e no Real Decreto 171/2004, de 30 de xaneiro, polo que se desenvolve o artigo 24 da LPRL en materia de coordinación de actividades empresariais o Servizo Galego de Saúde e a AECC obríganse a facilitar as medidas de coordinación que acorden os respectivos Servizos de Prevención, a comunicarse as incidencias ou modificacións que se produzan durante o desenvolvemento da actividade, para os efectos de garantir o cumprimento da lexislación vixente.

SEXTA.- COMUNICACIÓN DE DATOS ENTRE AS PARTES

Ambas as dúas partes comprométense a manter o segredo en relación cos datos de carácter persoal dos pacientes que afectan á súa intimidade e, en particular, a dar cumprimento ao establecido na Lei Orgánica 15/1999, do 13 de decembro, de Protección de Datos de Carácter Persoal (LOPD) e a súa normativa de desenvolvemento.

A AECC velará polo cumprimento da LOPD no que respecta á cobertura das historias clínicas e á custodia dos datos confidenciais dos pacientes e comprométese a actuar seguindo os protocolos establecidos pola EOXI para a aplicación da normativa, respectando as medidas de seguridade establecidas.

Coa finalidade de realizar un seguimento da actividade do programa intercambiaranse datos de carácter cuantitativo, numérico e/ou porcentual, sen que se poida identificar ningunha persoa física.

O Servizo Galego de Saúde poderá utilizar os datos compartidos coa AECC con fins asistenciais e investigadores.

Cada parte responderá directamente ante a Axencia Española de Protección de Datos, así como ante as outras partes, das sancións pecuniarias e responsabilidades de todo tipo que dos propios incumprimentos nesta materia se deriven por ela mesma.

SÉTIMA.- COMISIÓN MIXTA DE SEGUIMIENTO

Para a execución, seguimento e interpretación do presente convenio constituirase unha comisión de seguimento, integrada por un/unha representante da EOXI e outro/a da AECC, designados polos respectivos representantes legais.

Son funcións desta comisión:

- Verificación, desenvolvemento, control e supervisión das actuacións concretas que se realicen ao abeiro deste convenio
- Resolver cantas dúbidas e discrepancias xurdan con respecto á interpretación e aplicación do presente convenio

OITAVA.- FINANCIACION

O presente convenio non leva compromiso de gasto para o servizo galego de saúde/ xerencia de xestión integrada de Pontevedra e o Salnés e por este motivo non precisa consignación orzamentaria.

NÓVENA.- VIXENCIA, PRÓRRROGA E DENUNCIA

O presente convenio entrará en vigor ao día seguinte ao da súa sinatura e terá unha vixencia dun ano.

Este convenio prorrogarase por acordo unánime das partes por períodos anuais, conforme ao estipulado no artigo 49. 1. h) da Lei 40/2015, do 1 de outubro, do Réxime Xurídico do Sector Público, en caso de non haber denuncia por ningunha das partes.

DÉCIMA.- RESOLUCIÓN

Serán causas de resolución do presente convenio as seguintes:

- O incumprimento manifesto total ou parcial das obrigas asumidas por calquera das partes
- A denuncia expresa dalgunha das partes, con previo aviso de, como mínimo, dous meses de antelación á finalización do prazo de vixencia do convenio ou de calquera das súas prórrogas.
- O acordo mutuo das partes.
- O transcurso do prazo estipulado sen que se desenvolva o convenio

DÉCIMA PRIMEIRA. RÉXIME XURÍDICO E XURISDICIÓN

O presente convenio ten natureza administrativa. As dúbidas e controversias que xurdan con motivo da interpretación e aplicación do presente convenio e que non poidan ser resoltas no seo da Comisión de Seguimento, resolveranse ante a Xurisdición Contencioso-Administrativa.

DÉCIMO SEGUNDA.- REXISTRO DE CONVENIOS, TRANSPARENCIA E BO GOBERNO

A firma deste convenio de colaboración leva implícito o consentimento expreso das persoas intervenientes para que a Administración pública autonómica galega poida facer públicos os datos de carácter persoal que figuren nel, de acordo co disposto na Lei 19/2013, do 9 de decembro, de transparencia, acceso á información pública e bo goberno, e a Lei Galega 1/2016, do 18 de xaneiro, de transparencia e bo goberno.

O presente Convenio será obxecto de inscrición no Rexistro de Convenios da Xunta de Galicia, nos termos previstos no Decreto 126/2006, do 20 de xullo, polo que se regula o Rexistro de Convenios da Xunta de Galicia.

E en proba de conformidade cos termos do presente documento, ambas as partes asíñanlo por triplicado e a un só efecto, no lugar e data sinalados no encabezamento.

O presidente do Servizo Galego de Saúde
(P.D de data 12 de marzo de 2018)

O xerente de Xestión Integrada de
Pontevedra e o Salnés

A presidenta provincial de Pontevedra da
AECC

José Ramón Gómez Fernández

María Josefa Crespo Amigo